

Kab Mob Ua Npaws Tawm Ntshav

Cov kab mob Filoviruses yog muaj xws li tus kab mob Ebola thiab tus kab mob Marburg



Kab mob ua npaws tawm ntshav (VHFs) yog cov kab mob uas tshwm sim los ntawm ib pawg kab mob vais lav uas feem ntau yuav ua rau cov khoom hauv nruab nrog cev puas tsuaj, uas yuav tuaj yeem ua rau los ntshav loj heev taus. Cov kab mob VHF uas tshwm sim los ntawm hom kab mob vais lav Filovirus yog muaj xws li Ebola, Sudan, Bundibugyo, thiab Marburg thiab tuaj yeem pom muaj nyob rau hauv cheeb tsam uas muaj huab cua sov thiab cheeb tsam nyob uas muaj tsos huab cua sov ntawm sab Africa. Cov kab mob lais lav no tsis tshua pom muaj neeg mob hauv Teb Chaws Meskas. Kev mus ntoj ncig thiab kev mus ua dej num tshwj xeeb hauv cov teb chaws uas muaj tus kab mob no yuav ua rau tus neeg mus ntoj ncig muaj kev pheej hmoo kis tau tus kab mob VHF ntau dua qub tuaj.



Cov kab mob vais lav uas ua rau muaj VHF sib kis tau li cas?

Cov kab mob Filoviruses yuav kis mus rau cov tib neeg dhau los ntawm kev mus kov tau cov kua faj siv los sis cov khoom nruab nrog cev ntawm **cov tsiaj uas muaj tus kab mob** xws li nas los sis liab. Cov kab mob vais lav tuaj yeem sib kis ntawm ib tug mus rau lwm tus tau los ntawm:

- ▶ **Kev kov ncaj qha** rau cov kua nruab nrog cev (xws li cov qaub ncaug, ntshav, los sis zis) ntawm ib tug neeg uas muaj tus kab mob VHF.
- ▶ **Kev kov tej npoo chaw los sis tej khoom** uas muaj cov kua faj siv los ntawm ib tug neeg uas muaj tus kab mob VHF lo rau.

Cov kab mob uas ua rau muaj mob VHFs tsis tuaj yeem kis tau los ntawm huab cua. **Koj tsis tuaj yeem kis tau tus kab mob VHF los ntawm kev sib koom chaw huab cua nrog tus neeg mob.**



Cov tsos mob ntawm tus kab mob VHF yog zoo li cas?

Cov tsos mob ntawm tus kab mob VHF yuav tshwm sim nyob rau ob txog 21 hnub tom qab kis tau tus kab mob vais lav. Feem ntau cov neeg mob yuav muaj cov tsos mob zoo li mob khaub thuas ua ntej, tom qab ntawd ces yuav ntuav, raws plab, los ntshav yam tsis paub meej, thiab lwm yam tsos mob hnyav thaum tseem pheej mob txuas ntxiv mus.

Cov tso mob thaum xub

- Kub ua npaws
- Mob caj pas
- Mob taub hau
- Nkees heev (qaug zog)
- Mob pob qij txha thiab ib ce

Cov tsos mob loj lawm

- Ntuav
- Mob plab los sis hauv siab
- Raws plab
- Los ntshav yam tsis paub meej
- Xeev siab

Cov neeg uas nyuam qhuav mus ncig qhov chaw uas muaj cov vais lav uas ua rau muaj tus kab mob VHF tab tom sib kis tau yuav tsum tau saib seb lawv puas muaj mob rau sij hawm **21 hnub** tom qab lawv rov qab los tsev.



Yog koj muaj cov tsos mob VHF, ces nyob twj ywm hauv tsev thiab hu rau koj tus kws kho mob lub chaw ua hauj lwm los sis chaw kho mob ua ntej yuav mus ntsib kom lawv thiaj li tuaj yeem ceev faj txhob cia lwm tus neeg mob kis tau tus kab mob no.



Yuav ua li cas thiaj tiv thaiv kev kis tus kab mob VHF tau?

Cov neeg uas mus ncig rau tej chaws uas pom muaj neeg mob tus kab mob VHF los sis xoom xaim tias muaj tus kab mob no tuaj yeem siv ntau kauj ruam los tiv thaiv lawv tus kheej tau.

Tsis txhob kov cov kua nruab nrog cev.

- ▶ Cov kua faj siv no suav nrog ntshav, zis, quav, qaub ncaug (nto qaub ncaug), hws, ntuav, kua mis, kua nplua, kua phev, thiab kua chaw mos los ntawm cov neeg uas muaj mob.

Tsis txhob kov cov khoom uas tej zaum yuav muaj kab mob paug.

- ▶ Qhov no suav nrog tej khaub ncaws, ntaub pua chaw pw, koob txhaj tshuaj, khoom siv kho mob, los sis lwm yam khoom uas tej zaum yuav chww tus neeg mob lub cev los sis cov kua nruab nrog cev.
- ▶ Tsis txhob tuav los sis kov cov neeg uas tej zaum yog tuag los ntawm tus kab mob VHF lub cev (piv txwv li, kev mus koom ntees tuag los sis kev mus faus tuag)

Tsis txhob kov qee hom tsiaj.

- ▶ Tsis txhob kov cov puav los sis cov tsiaj pub niam mis rau me nyuam uas tsis yog tib neeg (xws li liab daj thiab liab dub).
- ▶ Tsis txhob kov los sis noj nqaij puav los sis cov tsiaj pub niam mis rau me nyuam uas tsis yog tib neeg.



Puas muaj tshuaj tiv thaiv kab mob rau cov vais lav uas ua rau muaj mob VHF?

Muaj cov tshuaj tiv thaiv kab mob ebola Zaire rau cov neeg uas muaj kev pheej hmoo.

- ▶ Muaj tshuaj tiv thaiv kab mob ebola Zaire rau cov neeg ua hauj lwm kho mob thiab cov neeg ua hauj lwm hauv chaw kuaj kab mob uas muaj kev pheej hmoo yuav kis tau tus kab mob ebola Zaire los ntawm kev ua hauj lwm. Cov tshuaj tiv thaiv kab mob no yuav tsis tuaj yeem tiv thaiv lwm hom kab mob ebola tau.



Puas muaj kev kho mob rau VHF?

Txoj kev kho mob tseem ceeb rau cov kab mob VHF feem ntau yog kev saib xyuas txhawb pab xwb.

- ▶ Cov neeg mob muaj feem yuav zoo ntau dua yog tias lawv mus kuaj pom thaum ntxov thiab tau txais kev kho mob hauv ib lub chaw kho mob uas muaj cov khoom siv zoo.

